



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

II. *Nova & tuta Variolas excitandi per Transplantationem Methodus, nuper inventa & in usum tracta : Per Jacobum Pylarinum, Venetum, M. D. & Reipublicæ Venetæ apud Smyrnenfes nuper Consulem.*

Operationem Medicam inventu non minus quàm eventu mirandam Orbi literario pandimus ; Non à Physicæ cultoribus, aut à doctis in Apollinea arte viris, sed à plebea rudique gente in humani generis adjumentum, in sævissimi morbi solamen detectam, vetustis Scholarum Lucubrationibus, sedulis recentiorum investigationibus ignotam ; sed quæ ex innocentioris & ἀφιλοσόφου familiæ penu defluxit: Verus ignoratur ejus adinventor : in Græcia tamen, præcisè in Theffalia, primò invaluisse certissimum est ; hinc in propinqua successivè serpendo loca & civitates, in Byzantinam tandem irrepsit urbem ; ubi latuit quidem initio per aliquot annos, rarò quoque, & inter humiliores dumtaxat recepta : Immaniter autem grassante nuper Variolarum epidemia, latius innotescere cœpit ; Numquam tamen sublimiores ausa est ingredi aulas ; donec Nobilis quidam nec obscurus inter præstantiores Græcos, & ex antiquo Caryophyllorum stipite clarus, mihi verò intimiori amicitia titulo notus, anno salutis 1701. sub hyemis finem, serio mē quidnam de hac infusione sentirem, consuluit ; & an ad eandem in quatuor propriis filiis celebrandam præstare assensum : Nam tū temporis lethaliter totam ferè civitatem morbus hic invaserat ; qui summum ei de natorum salute metum incutiendo, anxium valdè reddiderat. Verū quid ipse super ignota re decernerem, nulla præcedente novissimæ hujusce methodi notitia, penitus ignorare me dixi ; ac simul Operatoris conveniendi copiam petii. Triduo peracto, cum ad amicum denuò accessissem, & de eadem

materia sermo iteratò inter nos esset initus; Ecce paulo post mulier Græca ad decentiam satis composita cubiculum intravit; quæ totam operationis seriem, modum, locum, tempus, cæterasque circumstantias, ut ego deinceps aperiam, clarè satis latèque nobis exposuit; quamquàm ipsa veram ex insitione excitationis Variolarum causam haud intellexerit: His experimenta & casus innumeros tutò semper & ad salutarem eventum perductos annexit; è quibus aliquot (omnes enim quis potuisset in urbe amplissima exquirere?) verissimos esse ex assertoribus fide dignis deprehendi: Idcirco re bene pensitata, rationi & naturæ haud absonam omninò comperi: præsertim autem casibus jam dictis permotus, amico jam fervidius post aliquot dies consilium iterùm expetenti, mè haud alienum, sub levi tamen hæsitantia, præbui; Quâ, tamquam dato assensu, arreptâ, & de servando regimine toto ægrotationis tempore satis edoctus, insitionem per mulierem Græcam in quatuor filiis audacter instituit: quorum tres natu minores (quinguennes, & vix septennes) leviter ægrotarunt; paucisque apparentibus pustulis post hebdomadam, febre penitus & periculo evaserunt: Ætate verò major, octavum super decimum agens annum, graviter decubuit: Nam continenti febre & malignante correptus, superveniente difficilium symptomatum syndrome, plusculisque quamquàm non copiosis exanthematibus obrutus, vix post decimum quartum diem morbum elusit: Quod ego atrabilari ejus temperamento, succisque pravis, ut & neglectæ prius (contrà datam admonitionem) corporis expiationi tribuendum velim. Felix operationis eventus mirum quam multas nobiliorum familias ad imitationem traxit; Ut hodie sine hæsitantia, præter timidiusculos aliquos, unusquisque transplantationis emolumentum sentire velit. Soli Turcæ, utpote Fati decretis addicti minusque dociles, hanc neglexerunt hucusque.

Naturalis est penitus hæc Operatio, nulloque obducta superstitionis fucò; quamvis ipsum Transplantationis Nomen

men prima facie hæsitantiam pariat. Differt toto cœlo à Curationibus Sympatheticis; cò magis à Magnetismo illo transplantatorio, per quem Morbi ex uno subjecto (mediante imaginaria quadam, gratis efficta, & imperceptibili Mumia) in aliud traduci dicuntur; qua de re Tenzelius, Bartholinus, Maxuellus, Ermullerus, alique ex Recentioribus, docti aliàs Viri, agunt sedulò; qui verustas Antiquorum in Medicina quisquiliis expurgandas esse cum jactitent; inter quisquiliis ipsi quandoque se volunt, novissima vanitatis amurca venerandam hætenus purissimamque Scientiam deturpantes. Quare, ut verum fatear, quemadmodum Operationes hæ Magneticæ, vel Sympatheticæ superstitiosæ vanitatis suspitione non carent (ut in Unguento Armario, Pulvere sympathetico, & similibus), utpotè extra activitatis sphæram in distans agentes; ità Variolarum Transplantatio, vera, mera, pura Physica est; quia puris mediis Physicis, & ad oculum patentibus, nec non ipso sensibili contactu completur; ut è mox dicendis clariùs elucescet.

Hujusmodi igitur Variolarum excitatio fit per Metaphoricè sic dictam Infectionem sive Transplantationem; quæ nihil aliud est, quam fermenti morbigfici seu puris ex Variolis extracti in corpus sanum, per vulnuscula ad hoc facta, insertio.

Physicus excitationis modus hoc pacto succedit. Intrusum in vulnuscula pus veri fermenti suscipit indolem; Hinc beneficio circulationis per vasa & canales proprios ad sanguinis massam delatum, dispositas ad hoc particulas, & delitescente vitio turgidas statim aggreditur, inficit, venenumque communicando latitans in illis seminarium fermentativum excitat, agit, actuat, inque motum ciet; Unde ebullitio universalis, seu fermentatio oritur; Viscus impuriore & heterogeneæ partes separatæ criticè protruduntur ad cutem; natura interim placidè virtute talis operationis totum opus moderante.

Sed ad Transplantationem ipsam, & ejus celebrandæ formam properandum ; modum quò eadem Mulier Transplantatrix tutissimè operabatur fideliter describendo, ordinem, cæteraque omnia ; ex quibus regula quædam institui poterit pro operatione hac obeunda. Cæterum quamvis de omnibus oculatus Testis, ut ingenuè fatear, esse non possim ; ex Operatricis tamen ore multa, plura ex fideli relatione transumpsi ; plurima & potiora ipsemet observavi. Omitto quæ ad majorem confirmationem universalis fama canit. Quibus omnibus præstandam esse fidem candidè ac strenuè assevero.

Ergo primò tempus ad celebrandam insitionem opportunum sèligendum est ; Quod secundùm Operatricem hybernium desideratus ; & non nisi tali tempore ipsa insitionem instituebat : Vernum ego pariter idoneum crediderim, propter elementiores aeris temperiem.

Secundò selectissimum adhibet fermentum ; Pus scilicet inferendum non ex quolibet subjecto recipit ; sed Variolis epidemicè grassantibus, è pustulis jam maturis decumbentis alicujus pueruli alias *ευσάρκην*, iisque benignis, punctione illud extrahit exprimitque ; & in conchulam aliquam vel vitreum vasculum mundissimum, nec nimis actu frigidum reponit reconditque ; quod Vasculum bene sartum tectum in pedissequi sinum fovendum intrudit ; mox sine mora ad operationem properat : Pus ex insititiis rejicit, ut inefficax. Quod tamen ego benignioris indolis, nec minoris interim energię fecerim : qua in re experientia consulenda.

Tertiò, temperatissimum vult patientis inhabitandum cubiculum quoad aeris modificationes.

Quartò, ad operationem jam celebrandam accedens mulier, frontem in confinio capillorum & quidem medio in loco ; mentum & utrasque genas acu ferrea vel aurea pungit ; non rectà, sed obliquè impingendo, cutemque acuta cuspide à subiecta carne aliquantillum separando.

hinc

hinc eadem acu pus jam præparatum in vulnusculum instillat è vasculo, intruditque ; superinducta per fasciam ligatura : Manus item ambas in metacarpis, pedes in metatarsis eodem modo ferit, pusque inserit, fasciaque leniter stringit ; serio imponendo patienti, ne partes illas scalpat madefaciatve. Potius carnosiora pungerem loca, quatenus inflammationibus dolorique minus obnoxia, nec tendinibus intertexta.

Præter hanc operandi formam cæteri omnes rejiciuntur modi, utpotè absoni, inusitati, malè succedentes, infelicisque exitus.

Interim lectulo moderatè manendum, neque plus quàm opus fuerit jacendum.

Quintò bonum in sex rebus non naturalibus regimen, præcipue in victù, injungit ; Non solum enim vino & carnibus, verum etiam earundem jusculo rigorosè patientes ad quadragesimum diem interdicit : Pluribusque monitum non curantibus sæpius malè successit ; nam ad oculos, pœna erroris, novas erupisse pustulas, aliaque non parvi discriminis symptomata supervenisse, visum est.

Sic ritè peracta transplantatione, non omnibus eodem temporis intervallo suscitari solent variolarum symptomata ; Variè enim fermentum agit ; serius vel citius, prout unicuique proprium faver temperamentum, ætas, robur : Quamquàm Variolæ ipsæ, in septimo ferè semper apparere incipiant, qui dies vere criticus est. Nec defuere, quod rarò contingere solet, quibus statim primo die effloruerint.

Symptomata ægrotantibus evenientia variant secundum temperamentorum diversitatem, succorum in massa sanguinea habitudinem, & particularem in singulis naturæ dispositionem : remissiora nempe vel inceniora ingruvat ; At communiter grassantibus non dissimilia, quamvis clementiori ut plurimum facie : Plures vix alterationem læsionemve sentiunt aliquam.

Excitatae Variolæ ferè semper sunt de genere **Distinctarum** ; nec numero multæ ; Decem, ut plurimum viginti, triginta, rarò ad centum, rarissimè ad ducentas erumpunt.

Notandum primò nonnullos, unico dumtaxat vulnusculo ad brachium inflicto contentos, excitasse variolas ; paucisque apparentibus pustulis præservatos tamen imposte-
rum fuisse à contagio.

Notandum secundò accidisse interdum, ut ex insitione nullæ penitus excitatae fuerint Variolæ, vel ob non præexistentem ullam prorsus variolicam in corpore dispositionem, vel ob enervatum infractumque fermenti contagium : At postea grassante populariter morbo, correpta sunt promiscuè ejusmodi corpora jam insitionem passa, communi cæterorum sorte.

Tertiò, insertionis loca seù vulnuscula in pustulas semper evadere solent : Quibusdam verò excrescunt in purulenta tubercula, nullis interim apparentibus pustulis ; Nonnullis in apostemata quidem majora degenerant magnam puris copiam effundentia : Non semel eadem loca, in pedibus præcipuè manibusque, summo cum dolore intumescunt ; pureque effuso subsident, iterumque in tumorem attolluntur. Quibusdam, rarissimè tamen, ad glandulosas partes & emunctoria, post aliquod tempus, abscessus emergunt, ac suppurantur paulatim : ludente sic in diversiformi corporum crassi natura.

Postremò, nunquam ferè ex transplantatione hac funesti quid accidisse observatum fuit hætenus ; etiamsi in quocumque sexu, temperamento, ætate celebrata fuerit ; quinimò, ritè recteque tractata, & in corporibus perperitum Medicum aptè præparatis, certissimam promittit salutem. Variolæ enim hoc modo excitatae benignioris sunt indolis, quam sunt illæ quæ populariter grassantur ; Utpotè ex fermento, seù contagio, omni malignitate carente promotæ : Ebullitio, per quam massa sanguinis agitur ac totum opus perficitur, blandè non violenter,

moderante natura, conamina sua molitur; Sed præter hæc, tempus ad operationem atque anni tempestas magis idonea pro transplantatione ad libitum eligi, ut & corpus infitioni subjiendum congruis adminiculis ad recipiendam illam ex arte præparari disponique poterit; Quod revera maximi ad salutarem faustumque morbi successum momenti censei debet.

De hac re vide etiam *Philos. Transf.* No. 339.

III. *Problematis Mathematicis Anglis nuper propositi Solutio Generalis.*

IN Actis Eruditorum pro mense *Octobri* Anni 1698. pag. 471. D. *Johannes Bernoullius* hæc scripsit. Methodum quam opraveram generalem secandi "[Curvas] ordinatim positione datas sive algebraicas sive transcendentes, in angulo recto sive obliquo, inveniabili sive data lege variabili, tandem ex voto erui: cui, *Leibnitio* approbatore, ne $\gamma\mu$ addi posset ad ulteriorem perfectionem, & vel ideo tantum quod perpetuo ad æquationem deducat: in qua si interdum indeterminatæ sunt inseparabiles, methodus non ideo imperfectior est, non enim hujus sed alius est methodi indeterminatas separare. Rogamus igitur fratrem ut velit suas quoque vires exercere in re tanti momenti. Suscepti laboris non pœnitebit, si felix successus fructu jucundo compensaverit. Scio relicturum suum quem nunc fover modum, qui in paucissimis tantum exemplis adhiberi potest.

Hi tres Viri celeberrimi sese, jam ab annis quatuor vel quinque circiter in solvendis hujusmodi Problematis exercuerant. Absque spiritu divinandi eandem solutionem cum *Bernoulliana* tradere difficile fuerit. Sufficit quod Solutio sequens sit generalis, & ad æquationem semper deducat.

P. R. O. B.